



ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅՈՒՆ
Հ Ր Ա Մ Ա Ն

«28» «սեպտեմբեր» 2021 թ. № 380-Լ

ԲՆԱՊԱՀՊԱՆՈՒԹՅԱՆ ՆԱԽԱՐԱՐԻ 2019 ԹՎԱԿԱՆԻ ԱՊՐԻԼԻ 23-Ի N 92-Լ
ՀՐԱՄԱՆՈՒՄ ԼՐԱՅՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» 33-րդ հոդվածով, վարչապետի 2018 թվականի հունիսի 11-ի N 745-Լ որոշման հավելվածի 18-րդ կետի 20-րդ ենթակետով.

Հ Ր Ա Մ Ա Յ ՈՒ Մ Ե Մ

1. Բնապահպանության նախարարի 2019 թվականի ապրիլի 23-ի «Շրջակա միջավայրի նախարարության ներքին կարգապահական կանոնները հաստատելու մասին» N 92-Լ հրամանում կատարել հետևյալ լրացումները՝

1) հրամանի հավելվածի 47-րդ կետը լրացնել նոր 9.1-ին ենթակետով.

«9.1 աշխատանքի ներկայանալիս սույն կարգով սահմանված ժամկետում ներկայացնել բնակչության սանիտարահամաճարակային անվտանգության ապահովման մասին օրենսդրությամբ, այդ թվում՝ Հայաստանի Հանրապետության առողջապահության նախարարի 2020 թվականի օգոստոսի 4-ի N 17-Ն հրամանով սահմանված՝ աշխատանքի ներկայանալու անհրաժեշտ պայման հանդիսացող փաստաթղթերը:»:

2) հավելվածը լրացնել հետևյալ բովանդակությամբ նոր 7-րդ գլխով՝

«VII. ԱՇԽԱՏԱԿԻՅՆԵՐԻ ՍԱՆԻՏԱՐԱՀԱՄԱՃԱՐԱԿԱՅԻՆ ԱՆՎՏԱՆԳՈՒԹՅԱՆ
ԱՊԱՀՈՎՈՒՄ

62. Նախարարություն գլխավոր քարտուղարի տեղակալն իր իրավասության սահմաններում պատասխանատու է ապահովել.

ա. բնակչության սանիտարահամաճարակային անվտանգության ապահովման մասին օրենսդրությամբ, այդ թվում՝ առողջապահության նախարարի 2020 թվականի օգոստոսի 4-ի N 17-Ն հրամանով սահմանված՝ աշխատանքի ներկայանալու

անհրաժեշտ պայման հանդիսացող փաստաթղթերի ստուգումը Նախարարության հանրային պաշտոն զբաղեցնող, հանրային ծառայության պաշտոն զբաղեցնող, քաղաքացիական աշխատանք կատարող կամ տեխնիկական սպասարկում իրականացնող անձի աշխատանքի ներկայանալիս:

բ. սանիտարահամաճարակային անվտանգության կանոններով սահմանված համապատասխան գրանցամատյանների վարումը, դիտարկումների իրականացումը:

63. Գլխավոր քարտուղարի տեղակալը համապատասխան սանիտարահամաճարակային անվտանգության կանոնների խախտում հայտնաբերելու դեպքում առերևույթ խախտում թույլ տված անձի տվյալները մեկօրյա (աշխատանքային) ժամկետում ներկայացվում է տվյալ անձին կարգապահական պատասխանատվության ենթարկելու (կարգապահական տույժ կիրառելու) իրավասություն ունեցող պաշտոնատար անձին կամ խախտում թույլ տված անձի անմիջական ղեկավարին (վերադասին), ով պարտավոր է խախտման մասին մեկօրյա (աշխատանքային) ժամկետում գրավոր տեղեկացնել կարգապահական պատասխանատվության ենթարկելու (կարգապահական տույժ կիրառելու) իրավասություն ունեցող անձին:

64. Նախարարության աշխատողները առողջապահության նախարարի 2021 թվականի օգոստոսի 20-ի N 65-Ն հրամանն ուժի մեջ մտնելուց հետո յուրաքանչյուր 14 օրը մեկ Մարդկային ռեսուրսների կառավարման բաժին են ներկայացնում կորոնավիրուսային հիվանդության (COVID-19) ախտորոշման պոլիմերազային շղթայական ռեակցիայի հետազոտության (այսուհետ՝ ՊՇՌ հետազոտություն) բացասական արդյունքը հավաստող առավելագույնը 72 ժամ վաղեմության, առողջապահության նախարարի 2020 թվականի օգոստոսի 10-ի N 2688-Լ հրամանով սահմանված սերտիֆիկատ (այսուհետ՝ սերտիֆիկատ), բացառությամբ ամբողջական պատվաստված, մեկ դեղաչափ պատվաստված, փաստագրված բացարձակ հակացուցում ունեցող աշխատողների և հղիների:

Եթե աշխատակիցը գտնվում է 14 օրը գերազանցող արձակուրդում, ապա ՊՇՌ հետազոտության սերտիֆիկատը ներկայացնում է աշխատանքի ներկայանալու օրը:

ՊՇՌ հետազոտությունն իրականացնում է աշխատողն՝ սեփական միջոցներով:

65. Կորոնավիրուսային հիվանդության (COVID-19) դեմ ամբողջական պատվաստված աշխատողը Մարդկային ռեսուրսների կառավարման բաժին է ներկայացնում է տվյալ պատվաստանյութի կիրառման հրահանգի համաձայն սահմանված դեղաչափերով (դեղաչափով) ամբողջական պատվաստումը հավաստող առողջապահության նախարարի 2021 թվականի մայիսի 27-ի N 2020-Լ հրամանով սահմանված սերտիֆիկատ (տեղեկանք) (այսուհետ՝ պատվաստման սերտիֆիկատ), ինչը գրանցվում է համապատասխան գրանցամատյանում և պատճենը կցվում է աշխատողի անձնական գործին: Առաջին և երկրորդ դեղաչափերի միջև կոնկրետ պատվաստանյութի համար սահմանված ժամանակամիջոցում ամբողջական պատվաստում չունեցող աշխատողը չի ներկայացնում ՊՇՌ հետազոտության բացասական արդյունքը հավաստող առավելագույնը 72 ժամ վաղեմության սերտիֆիկատ: Կոնկրետ պատվաստանյութի

համար դեղաչափերի միջև սահմանված ինտերվալից ավել ժամանակամիջոցի դեպքում երկրորդ դեղաչափը չստացած և բժշկական հակացուցում չունեցող աշխատողը ներկայացնում է ՊՇՌ հետազոտության բացասական արդյունքը հավաստող առավելագույնը 72 ժամ վաղեմության սերտիֆիկատ՝ համաձայն 64-րդ կետի պահանջի:

66. Առողջապահության նախարարի 2020 թվականի օգոստոսի 4-ի N 17-Ն հրամանով սահմանված պատվաստվելու բժշկական հակացուցումներ ունեցող աշխատողները Մարդկային ռեսուրսների կառավարման բաժին են ներկայացնում կորոնավիրուսային հիվանդության (COVID-19) պատվաստման բժշկական հակացուցումների մասին բժշկական փաստաթուղթ, տրված առողջության առաջնային պահպանման բժշկի կողմից, համաձայն առողջապահության նախարարի 2013 թվականի հուլիսի 3-ի N 35-Ն հրամանի պահանջների:

67. Յուրաքանչյուր ստորաբաժանման ղեկավար պետք է մեկ օրյա ժամկետում գրավոր տեղեկացնի գլխավոր քարտուղարի տեղակալին սույն կարգի 64-րդ կետով սահմանված ժամկետում ստորաբաժանման աշխատակցի կողմից ՊՇՌ հետազոտության սերտիֆիկատ չներկայացնելու մասին:

68. Սույն կարգի 64-րդ, 65-րդ և 66-րդ կետերով սահմանված փաստաթղթերի չներկայացման խախտումը վերացնելը յուրաքանչյուր աշխատանքային օր աշխատանքի (ծառայության) ներկայանալը համարվում է (դիտվում է) որպես առանձին (ինքնուրույն) կարգապահական խախտում, ինչի շրջանակներում նշանակված ծառայողական քննության (կարգապահական վարույթի) ընթացքում քննարկվող խախտման մասին խախտում թույլ տված անձը պարտավոր է հատուկ՝ մեկօրյա (աշխատանքային) ժամկետում ներկայացնել գրավոր բացատրության (զեկուցագրի և այլն):

ՆԱԽԱՐԱՐԻ ՊԱՐՏԱԿԱՆՈՒԹՅՈՒՆՆԵՐԸ
ԿԱՏԱՐՈՂ

Ա.ՄԱԶՄԱՆՅԱՆ

9/28/2021

X 

ԱՆՆԱ ՄԱԶՄԱՆՅԱՆ

Signed by: MAZMANYAN ANNA 5308800774

«28» սեպտեմբերի 2021թ.
ք. Երևան